

Կարծիք

Մարիամ Ժիրայրի Առաքելյանի «Մեդիակոմպետենցիայի ձևավորումը
իրավագիտական կողմնորոշման անգլերենի դասընթացում»

խորագրով ԺԳ. 00.02 «Դասավանդման և ուսուցման մեթոդիկա» / անգլերեն լեզու/
մասնագիտությամբ մանկավարժական գիտությունների թեկնածուի գիտական աստիճանի
հայցման ատենախոսության վերաբերյալ

Սույն հետազոտության մեջ ուսումնասիրվել են մեդիակրթության և մեդիագրագիտության էությունն ու խնդիրները իրավագիտական կողմնորոշման անգլերենի ուսուցման դասընթացում: Ատենախոսը փորձ է արել բացահայտել իրավագիտական կողմնորոշման անգլերենի դասընթացում մեդիակոմպետենցիայի ձևավորման և զարգացման դժվարությունները, մշակել համապատասխան ռազմավարությունների կիրառմամբ մեդիակոմպետենցիայի զարգացման մեթոդական համակարգ:

Ատենախոսն ուսումնասիրել է արդիական լեզվաբանական, մանկավարժական, մեթոդական գրականություն, հստակեցրել է մեդիատեքստերի ընտրության սկզբունքները, դրանց շուրջ աշխատանքի ռազմավարությունը, մշակել է մեթոդական համակարգ, որի արդյունավետությունը հիմնավորել է փորձարարական ուսուցման ընթացքում:

Հետազոտության նպատակը հստակ է: Խնդիր է դրվում ձևավորել իրավագիտության ֆակուլտետի ուսանողների մեդիակոմպետենցիան մեդիատեքստերի ընթերցանության միջոցով:

Ատենախոսն ուսումնասիրել է մեդիատեքստի ընթերցանության տեխնոլոգիաները և մշակել է մեդիատեքստի ընթերցանության կարողությունների զարգացման մեթոդական համակարգ:

Հետազոտության գիտական նորույթը, տեսական և գործնական նշանակությունը կասկած չեն հարուցում, ձևակերպված են ճիշտ, բխում են նրա առաջադիր խնդիրներից::

Հետազոտության ներածական մասում հիմնավորված է հետազոտության արդիականությունը, օբյեկտն, առարկան, նպատակն ու խնդիրները, ներկայացված է հետազոտության վարկածը, տեսական և գործնական նշանակությունը, պաշտպանության հիմնադրույթները:

Առաջին «Լեզվակրթության քաղաքականության ժամանակակից միտումները» գլխում հեղինակը հանգամանորեն ներկայացնում է լեզվակրթության հիմնական սկզբունքները, մեթոդաբանական հիմքերը, զարգացման միտումները:

Առաջին գլխի «Մուլտիմեդիական տեխնոլոգիաների օգտագործման առկա վիճակը իրավագիտական կողմնորոշման դասընթացներում» առաջին ենթագլխում ատենախոսը սահմանում է «մուլտիմեդիա» հասկացությունը, բացահայտում է մուլտիմեդիայի կիրառման հնարավորությունները, ինտեգրված բնույթը, ներկայացնում է հարցման միջոցով ստացած մուլտիմեդիական կրթության կիրառման արդի վիճակը:

Առաջին գլխի «Տեղեկատվական -հաղորդակցական տեխնոլոգիաների /S<S/ դիդակտիկական ներուժը» երկրորդ ենթագլխում ատենախոսը ներկայացնում է S<S գործառույթները, դրանց ներկայացման արդյունավետ մեխանիզմները:

Առաջին գլխի «Մեդիակրթություն և մեդիագրագիտություն» երրորդ ենթագլխում ատենախոսը ներկայացնում է մեդիակրթության նպատակը, խնդիրները, գործառույթները:

Առաջին գլխի «Տեղեկատվական և համակարգչային գրագիտություն» չորրորդ ենթագլխում ատենախոսը սահմանում է «տեղեկատվական գրագիտություն» հասկացությունը, հստակեցնում այն հմտությունները, որոնք ձևավորվում են տեղեկատվական գրագիտություն ստանալու ընթացքում:

Երկրորդ «Ուսանողների մեդիակրթության ձևավորման դժվարությունների անգլերենի իրավագիտական կողմնորոշման դասընթացում» գլխում հեղինակը ներկայացնում է մեդիատեքստերի էության ժամանակակից մոտեցումները:

Երկրորդ գլխի «Մեդիատեքստերի էության բացահայտման ժամանակակից մոտեցումներ» ենթագլխում ատենախոսը դասակարգում է մեդիայի տեսակները, սահմանում է «մեդիատեքստ» եզրույթը, բացահայտում է մեդիատեքստի ընթերցանության առանձնահատկությունները:

Երկրորդ գլխի «Ուսանողների մեդիակոմպետենցիայի հայտորոշիչ թեստավորում» երկրորդ ենթագլխում ատենախոսը ներկայացնում է թեստավորման նպատակը. որոշել մեդիակոմպետենցիայի տիրապետման և մեդիատեքստերի բովանդակության ընդհանուր ըմբռնման մակարդակները, առաջադրանքների տեսակները, հայտորոշիչ թեստի արդյունքների ստուգման չափանիշները, ամփոփել հայտորոշիչ թեստի արդյունքները՝ սահմանելով ուսանողների մեդիակոմպետենցիայի տիրապետման դժվարությունները:

Երրորդ «Մեդիակոմպետենցիայի ձևավորման մեթոդական համակարգի մշակում» գլխում ատենախոսը ներկայացնում է ընթերցանության մոդելը, դրա հիմքում ընկած սկզբունքները:

Երրորդ գլխի «Ընթերցանության ուսուցման մոդելի հիմքում ընկած սկզբունքները» առաջին ենթագլխում ատենախոսը ներկայացնում է տվյալ մոդելի հիմնավորման մեթոդաբանական մոտեցումները, , բացահայտում ուսումնական գործընթացի մեդիականացման առանձնահատկությունները:

Երրորդ գլխի «Մուլտիմեդիական միջոցների կիրառմամբ անգլերենի ուսուցման մշակման մեթոդաբանական հիմքերը» երկրորդ ենթագլխում ատենախոսը դիտարկում է ընթերցանությունը որպես հաղորդակցական-ճանաչողական գործունեություն, հստակեցնում է մեդիատեքստերի ընթերցանության կարողությունները, մեդիառեսուրսների գնահատման կարողությունները, մշակում է ընթերցանության ռազմավարություններ, շեշտը դնելով որոնողական ընթերցանության վրա:

Երրորդ գլխի «Ռազմավարություններ՝ ուղղված մեդիատեքստերի ընթերցանության կարողությունների զարգացմանը» երրորդ ենթագլխում ատենախոսը սահմանում է «ռազմավարություն» հասկացությունը, ներկայացնում է վերջնարդյունքին հասնելու ռազմավարական քայլերը, տեխնիկական-լեզվական վարժությունները, մեդիառեսուրսի գնահատման վարժությունները, դասակարգում է ընթերցանության կարողությունների զարգացմանն ուղղված ռազմավարությունները:

Երրորդ գլխի «Մշակված մեթոդական համակարգի փորձարկում և արդյունքների վերլուծություն» չորրորդ ենթագլխում ատենախոսը ներկայացնում է փորձարարական ուսուցման նպատակը, վայրը, փորձարկման նյութը, փորձարարական ուսուցման արդյունքները, մշակված մեթոդական համակարգը և եզրակացությունները:

Ատենախոսության մեջ տեղ են գտել որոշ թերացումներ և վրիպումներ, որոնք կարելի է ուղղել հետագա ստեղծագործական գործունեության ընթացքում:

1. Մեթոդաբանական հիմքը ներկայացնում են որոշ աշխատանքներ, որոնց մեթոդաբանությունը հնարավոր չէ որոշել ըստ հետազոտության վերնագրերի:
2. Պաշտպանությանը ներկայացվող դրույթներում ոչ մի խոսք չկա իրավագիտական անգլերենի դասընթացի մասին:

3. Պաշտպանությանը ներկայացվող դրույթների երկրորդ և երրորդ կետերը ընդգծում են նույն գաղափարը և հաստատում են բավականին հայտնի իրողություն մեդիակոմպետենցիայի գործառույթների մասին:
4. Քննության առնելով մոտիվացիայի ձևավորման հիմնախնդիրը, ատենախոսը չի նշում թե ինչ մոտիվացիայի տեսակ է դարձել քննության առարկա :

Ընդհանուր առմամբ իրականացվել է բավականին հետաքրքիր, ամբողջական հետազոտություն, որի բոլոր բաժինները տրամաբանորեն և բովանդակային առումով իրար հետ փոխկապակցված են: Լեզուն և ոճը բավարարում են ներկայացվող պահանջներին:

Կարելի է պնդել, որ Մարիամ Ժիրայրի Առաքելյանի «Մեդիակոմպետենցիայի ձևավորումը իրավագիտական կողմնորոշման անգլերենի դասընթացում» խորագրով ԺԳ. 00.02 «Դասավանդման և ուսուցման» / անգլերեն լեզու/ թեկնածուական ատենախոսությունն ավարտուն, գիտական հետազոտություն է, ամբողջովին բավարարում է ՀՀ գիտական աստիճանաշնորհման 7-րդ կետի պահանջները, իսկ հեղինակն արժանի է իր կողմից հայցած մանկավարժական գիտությունների թեկնածուի գիտական աստիճանին՝ ԺԳ.00.02 – Դասավանդման և ուսուցման մեթոդիկա» (անգլերեն լեզու) մասնագիտությամբ:

Ընդդիմախոս՝
մ.գ.թ., դոցենտ՝

Ստորագրությունը հաստատում է
ԵՊՀ գիտքարտուղար՝ պ.գ.թ. ասիստենտ



Ա. Ա. Ոսկանյան

Լ. Հովսեփյան